

影印
文淵閣

四庫全書

影印

文淵閣四庫全書

第五九八冊

北京出版集團公司
北京出版社

本冊目次

禮部志稿(二)

明

林堯俞等纂修
俞汝楫等編撰

……
一

欽定四庫全書

史部
禮部志稿卷五十九至六十二

詳校官監察御史_臣龔驥文

編修_臣程嘉謨覆勘

總校官知縣_臣楊懋珩

校對官學正_臣蔡填

謄錄監生_臣王鏐

欽定四庫全書

禮部志稿卷五十九

明 俞汝楫 編

登極備考

登極儀

告祭及追尊

洪武元年正月乙亥上服袞冕先期告祭設昊天上帝位於壇之第一成居東皇地祇居西皆南向各用玉一

欽定四庫全書

禮部志稿
卷五十九

幣一犢一遵豆各十有二簋簋各二設大明夜明位於壇之第二成星辰社稷太歲嶽鎮海瀆山川城隍位於壇內之東西各用犢一幣一遵豆各十簋簋各二其儀迎神燔柴奠玉帛進俎三獻飲福受胙徹豆送神望燎瘞各行再拜禮樂舞如制祝曰惟我中國人民之君自宋運告終帝命真人於沙漠入中國為天下主其君父子及孫百有餘年今運亦終其天下土地人民豪傑分爭惟臣帝賜英賢為臣之輔遂勘定采石水寨蠻子海

牙方山陸寨陳堃先袁州歐普祥江州陳友諒潭州王忠信新淦鄧克明龍泉彭時中荊州姜珏濠州孫德崖廬州左君弼安豐劉福通贛州熊天瑞永新周安平鄉易華平江王世明沅州李勝蘇州張士誠慶元方國珍沂州王宣益都老保等偃兵息民於田里今地幅幘二萬餘里諸臣下皆曰生民無主必欲推尊帝號臣不敢辭用是以今年正月四日於中山之陽設壇備儀昭告於上帝皇祇定有天下之號曰大明建元洪武簡在帝

欽定四庫全書

禮部志稿
卷五十九

二

心尚饗先是自壬戌以來連日雨雪陰沍自正月朔旦雪霽粵三日省牲雲陰悉斂日光皎然暨行禮天宇廓清星緯明朗衆皆欣悅禮成遂即位於郊壇南備儀衛法從丞相率百官北面行禮呼萬歲者三禮畢上率世子暨諸子奉神主詣太廟追尊四代祖考妣為皇帝皇后奉上玉寶玉冊冊曰孝玄孫嗣皇帝稽首頓首上言尊敬先世人之至情祖父有天下傳之子子孫子孫有天下追尊於祖考此古今之通義也遇天下兵起躬擐

甲冑調度師旅戡定四方以安人民土地日廣皆祖宗深仁厚德所致也諸臣庶推尊為皇帝先世考妣未有稱號謹上皇高祖考尊號曰玄皇帝廟號德祖皇高祖妣曰玄皇后皇曾祖考尊號曰恒皇帝廟號懿祖皇曾祖妣曰恒皇后皇祖考尊號曰裕皇帝廟號熙祖皇祖妣王氏曰裕皇后皇考尊號曰淳皇帝廟號仁祖皇妣陳氏曰淳皇后伏惟神明在上鑒此孝思每廟牲幣祭器及禮義樂武同郊壇惟不用玉不燔柴祭訖退上顧

欽定四庫全書

禮部志稿
卷五十九

三

謂李善長曰朕荷先世積累之勤慶及予躬撫臨億兆今遵行令典尊崇先代齋肅一心對越神靈所謂肅蒿悽愴若或見之善長對曰陛下誠孝感通達於幽顯上曰奉先思孝祭神如在誠敬無間神靈其依苟或有間非奉先思孝之意也遂命世子先至社稷壇立石主上至設位於兩壇之間詣各神位前行禮其禮如宗廟儀事畢上還御奉天殿尚寶司拱衛司金吾衛陳設如儀中書省左相國宣國公李善長等率文武百官上表稱

賀

謹按高皇初用王禮後正大位其儀始備文皇靖難以乙丑至金川門以乙巳即帝位倉卒其儀不詳昭皇以儲宮嗣位稍有更定肅皇入自藩國與嗣皇異累朝所因者昭皇儲宮禮也

朝賀備考

朝儀

朝賀贊詞

欽定四庫全書

禮部志稿
卷五十九

四

洪武二年上以羣臣每遇正旦聖節朝賀行禮呼萬歲者三維云臣子祝上實以虛語因諭宰臣更其詞如遇賀之日贊禮者云贊呼衆皆曰願君有道又贊呼曰則天下和平倣此意與諸儒議之於是廷臣議曰三呼之詞乃臣子祈君之至誠若如聖諭則謙德有餘然於臣子之誠不盡今更其詞令贊禮者始贊呼則衆曰天輔有德又贊呼曰海宇咸寧再贊呼則曰聖躬萬福制可

朝賀贊詞仍舊

庚午禮部尚書崔亮太常少卿陳昧等言舊制朝賀之禮贊禮者既唱三舞蹈訖復三唱山呼而羣臣拱手加額與樂工軍校齊聲稱萬歲者三近改擬山呼為贊呼百官應之曰天輔有德曰海宇咸寧曰聖躬萬福臣等切謂殿廷之禮主於尊嚴贊呼之際貴乎齊一令百官三呼應聲謹謹不齊誠為失禮況山呼故事循行已久甚為嚴肅宜仍其舊從之

朝參避正中

欽定四庫全書

禮部志稿
卷五十九

五

洪武三年上問禮部尚書崔亮曰朕郊祀天地拜位皆正中而百官朝參則班列東西以避正中此何禮也亮對曰臣聞天子祭天升自午陛祭社升自子陛蓋社祭土而主陰陰北方也故君南向答陰之義也郊祭天而主陽陽南方也故君升自午陛而北向以答陽也何佟之議曰祭社北向君答之故南向祀天南向君答之故北向若夫羣臣朝參於上非答神之義俱當避君上之尊故升降則皆由卯陞朝班則分列東西以避馳道此

其義不同也上曰臣之事君君之事天其道不相遠也因命侍儀司自今百官朝參左右班相去不得越二尺其省府臺官俱就甬道上拜謁但不得直行甬道而已

殿廷雜儀

洪武九年禮部言凡殿廷頒降詔書冊命宜從中道中門出近東而行其內外官員齎捧御製文字及御用之物進呈不許直行中道或左右或取別以行至御前正中跪進見光祿司進御膳等物亦不可當中道直行許

欽定四庫全書

禮部志稿
卷五十九

六

於正道邊左以進凡御座處即為正道如上御奉天殿則於正門邊東入將至御前正中供具膳畢而出亦如之若上帝所往來處其奉御內使捧執御用之物聽使令者皆須近後取便左右行不許隨後徑馳中道違者杖一百從之命著為令

肅文武朝參

洪武二十四年禮部言朝廷之禮貴於嚴肅而近者文武官入朝往往爭趨競進品級紊亂高下失倫甚非所

以明禮法振綱紀請自今朝參之時將軍先入近侍官員次之公侯駙馬伯又次之五府六部又次之應天府及在京雜職官員又次之有不如儀從監察御史及儀禮司糾復從之

免命婦翔望朝

永樂元年壬辰禮部言洪武間京官文武四品以上命婦翔望朝中宮隆寒盛暑雨雪皆免上命併免翔望但遇節來朝

欽定四庫全書

禮部志稿
卷五十九

七

飭陪京朝賀

成化八年南京鴻臚寺序班李琰奏近者南京文武官員凡遇拜賀聖節等禮多因循不謹乞勅禮部移文南京所司凡遇大朝賀悉照在京事例各衙門官員先具職名手本送南京鴻臚寺報名至期聽糾儀監察御史等官點閱如有托故不至及不具服攬越怠慢者具奏執問庶使朝儀整肅事下禮部復奏從之

申明朝儀八事

成化十四年鴻臚寺卿施純禮科都給事中唐章御史王濬等以近者朝班驚喧不定各奏朝參官多因遵禮度乞將朝儀榜示於長安左右門上命禮部通查朝儀舊制以聞制是禮部尚書鄒幹等備錄洪武年間朝參禮儀奏請申明榜示朝門曉諭禁約凡八條一朝班公侯序於文武班首次駙馬次伯自一品以下各照品級文東武西以次序列風憲糾儀官居下朝北紀事官居文武第一班之後稍近上以便觀聽勿得越次如有陳

欽定四庫全書

禮部志稿
卷五十九

八

奏從班末行至御前跪奏畢即入班立一文武百官御前侍坐遇有大小官奏事須起立候奏畢復坐勿得僂坐如有旨賜坐則復坐一文武官出入朝門各照品級第加敬遜如一品以下官遇公侯駙馬加敬禮立則旁立行則後從三品四品官遇一品二品官加遜禮行立俱後五品以下倣此不得攬先越次如有事宣召勿拘一百官朝參遇有聖諭教誡須當專心致意拱聽即便省身克己不許放肆馳心外想一百官自入午門內不

許吐唾如朝參近侍御前有病咳嗽者即許退班一百官奏對務必從實知則為知不許妄對一凡大小官員如隨上行丹墀身常朝北不得向南或右環轉隨侍不許背北上陞奉天門及丹墀其隨從官員勿得徑行中道并正道候有旨令行許側邊隨行一百官入朝門須拱手端行威儀整肅不許行私揖禮

請肅朝儀

弘治十五年禮部復奏禮科都給事中吳仕偉等所言

欽定四庫全書

禮部志稿
卷五十九

九

肅朝儀事謂朝廷之上以嚴為主今文臣官入朝之際有推擠諠譁或步趨放肆者有進掖門而掉臂過御橋而附身者甚至班行踰越尊卑失次請如仕偉等所言令御史序班糾奏從之

朝參面糾

嘉靖七年十月內禮部題該鴻臚寺左少卿王道中等題為朝儀事仰惟皇上每日視朝御奉天門侍班御史序班咫尺天顏如遇文武官員數少得以面糾至於每

月朔望及奏祭祀日期皇上御奉殿內侍班官員俱在丹墀之下東西序立難以面糾及至其本糾劾則百官俱散緩不及事以此因襲日久各衙門官員凡遇升殿之日勤於朝參者固多而偷安一時不到朝參者亦不為少乞望天語叮嚀戒諭各衙門官員以後凡遇朔望及奏祭祀陞殿之日務要依期朝參等因抄呈到部看得本官題稱乞要著為定例許御史序班照依殿內奏事復命事例徑赴御前從實糾舉本寺與錦衣衛堂上

欽定四庫全書

禮部志稿
卷五十九

十一

官趙候明旨處斷俟出奉天門外公同弔取門籍文簿逐一查點許御史序班具本指名劾奏一節查得本年九月內該給事中王汝梅題亦為前事節該奉聖旨這本說的是近來在朝官朔望日多不朝參好生不謹禮部便通行各衙門省諭今後再似這等朕別有區處該各衙門知道欽此欽遵已經通行去後左少卿王道中復有此奏臣等切惟皇上御門親正百官朝參員數多寡昭然在列然必鴻臚寺高唱奏事然後御史序班敢

向御史面糾隨奉明旨查點請究此舊例也若遇朔望及奏祭祀陞殿之日百官即有失儀者亦必具本參奏不敢面糾見查大明會典內亦云文武官遇陞殿有違越失儀者從監察御史儀禮司糾劾中間並不曾言劾及他事亦竝無面糾之辭何也蓋朔望非奏事之期殿陛乃尊嚴之地故惟重體勢之高而暫畧煩瑣之務其與御門之時實為不同祖宗設立儀法深有至意今陞殿之日若許其面糾則一二小臣得以擅入禁地近觸

欽定四庫全書

禮部志稿
卷五十九

十二

天顏恐傷體勢若只具本指名劾奏所指安得其真而是非混淆挾詐遂起末流有不可禁者前項二條具舊章所弗載難便宜行但臣子之職惟勤為最先朝參之禮不可以少怠近者常朝官員因循玩情誠亦有之凡遇陞殿之期至於朔望亦往往不肯赴朝上履聖諭下動論列實諸臣之罪也臣等請自今後凡遇朔望及奏祭祀陞殿之日朝參官員不論多少皇上間出不意特旨宣諭鴻臚寺官許令公同錦衣衛官俟駕退之後弔

取門籍丈簿朝參各官俱出奉天門外金水橋邊聽候
逐名查點奏請罰治不必付諸糾劾以起事端則天威
不測大震疊乎庶工體勢愈尊用克存乎舊典朝綱振
肅而怠玩俱知所警矣奉聖旨是

鴻臚寺題免朝例

嘉靖十一年八月內禮部題該鴻臚寺題為申明舊例
請宸斷以便遵守事及與通政司彼此辯爭前後肆奏
本部仰遵聖諭備查典章俱經依擬明白復查得今年

欽定四庫全書

禮部志稿
卷五十九

十三

正月間因聖體違和暫免朝參該寺題稱免朝日久一
應領勅繳勅人員若俱於御前面奏恐聖體於視朝之
初起數太多未免煩勞欲要暫於左順門領繳等因奉
聖旨是欽此本部看得該寺原題止是一時權宜未嘗
擬為定例近日以來一應領勅繳勅并例該面辭面見
人員但偶遇陰雨免朝之日該寺即令赴左順門繳進
此則甚非祖宗舊制况非該寺原題本意本部因復奏
前事合就題請今後領勅繳勅例該面辭面見等項雖

遇免朝仍候視朝之日面奏所以重體統而防壅隔其
所關係未為輕小適聞奉旨免朝日期領勅繳等項不
係重大事情照該寺題准事例行欽此臣伏讀綸音不
勝疑駭切意本部題復之章因司事者互相講論言語
煩多恐未經聖覽前項旨意恐出閣臣一時票擬未曾
注意臣切謂朝廷差官降勅未有不係重大事情且頒
勅必於御前所以重皇命可以防詐傳旁出之奸繳勅
必於御前所以達下情可以防遲留隱匿之弊至於禮

欽定四庫全書

禮部志稿
卷五十九

十三

該面辭面見人員即遇免朝日期豈不能少待而遽然
廢上下之禮殆非臣子之心所敢安者以此為不係重
大事情則御前進奏之事無復有重大於此者也且御
前與勅上勤天語陛下慎重絲綸特令翰林院學士捧
下今乃以為不係重大事情恐非所以仰承聖謨矣臣
實愚昧不通遠猷廟堂批答必有深意但在廷臣工本
部僚佐議與臣合非一人私見伏乞聖明於該科取本
部原題特加省覽仍賜問閣臣所以票擬之意萬一臣

有所見於朝廷大禮不為無補伏望聖裁重降御批改
回前命則宗社幸甚等因題奉聖旨卿說的是勅書領
繳見辭官員都照舊例行如遇雪雨風寒暫三五日免
視朝都著候待若朝廷小有不豫免朝日多准今春該
寺奏准事例行著為令

請申勅朝儀

嘉靖四十二年禮部復給事中王楷奏請申飭朝儀大
小官員不得從人多帶入朝直宿官軍不得坐卧御道
商販人等不得擅入長安門其習儀之日常朝官不得
無故不至違者俱論如法報可

慶賀儀

罷聖節冬至表箋

洪武五年命罷天下進賀聖節冬至表箋上謂侍臣曰
正旦為歲之首天運維新入君法天運以施政治進表
稱賀禮固宜然若生辰冬至亦皆稱賀於文繁矣且生
辰父母劬勞之日朕皇考皇妣蚤逝每於是日不勝悲

悼况忍受天下賀乎宜皆罷之羣臣對曰臣子敬君之
心無時不有惟不可煩瀆故因聖壽及時序致祝頌之
誠請如舊禮行之上不許

表賀夷貢麟鳥

正統三年十月禮部尚書胡濙等奏比者榜葛刺國遣
使以麒麟鸚鵡等物詣京朝貢斯皆皇上德被萬方仁
及庶類是以遠仁慕義航海來獻誠國家億萬年太平
之徵也請率在廷文武羣臣進表行慶賀禮仍命天下
文武五品以上衙門悉以表稱賀從之

慶賀表箋

凡遇萬壽聖節該親王及天下文武衙門進賀表文例
該陳設宣讀如遇免朝止將前項表文照例於是日早
用鼓樂迎至午門前司禮監官捧進先期開坐題請
凡遇中宮殿下千秋令節該親王進到慶賀箋文是日
早用鼓樂迎至午門前司禮監官捧進在京文官四品
以上武官三品以上命婦朝賀先期具題請旨

凡遇皇太子千秋節親王及天下文武衙門進到箋文照例於是日早用鼓樂迎至午門前司禮監官捧進先期具題請旨

嘉靖二十四年六月恭遇太廟告成詔告天下行移各王府并在外文武五品以上衙門拜進表文慶賀先期題請本年南京禮部等衙門賫捧慶賀皇太子箋文到部看得前項箋文原無題奉明旨令其拜進今既齋捧前來亦臣子一念忠敬之私合行進收以後如有進到

欽定四庫全書

禮部志稿
卷五十九

十六

者俱照例施行等因奉聖旨是欽此

凡朝鮮安南琉球日本暹羅等國王差陪臣賫捧表箋管送方物赴京慶賀謝恩等項除方物另行外其表箋例該本部引奏進收如遇免朝將前項表箋俱送至午門前司禮監官捧進先期題請一具手本二本一本行司禮監知會請期一作交單

進表賞賜

凡各王府差來賫有禮物人員該給賞盤纏鈔二十錠

綵緞一表裏無禮物人員賞鈔一十錠文武衙門差來官員賞盤纏鈔五錠行移內府照例奏請頒給本司給散

慶賀糾儀及賜宴班次

成化四年正月申定監察御史殿中糾儀及丹墀賜宴班次中書舍人李應禎奏凡遇行慶賀禮奉天殿預執事者給事中十員該給賞盤纏鈔錠中東西立翰林院中書舍人各四員為侍班官分立於導駕官後監察御

欽定四庫全書

禮部志稿
卷五十九

十七

史四員為糾儀官立於侍班官下若慶成宴中書舍人位給事中御史前而宴品均一初無厚薄皆舊制也近時御史越班立導駕官下可為失憲體而亂舊章禮部列宴席以中書舍人位給事中御史後及光祿寺設宴品亦於給事中御史厚而中書舍人薄可謂諛勢要而蔑禮法乞各正其失禮科給事中參應禎以小事瀆聖聽宜究治事下禮部尚書姚夔等議擬御史在殿中糾儀有侍班官則立侍班下稍南無侍班官則立導駕官

下稍南其丹墀宴序中書舍人從近例坐於給事中御史後宴品亦當均一而於給事中參則漫不可否上既准擬且謂禮科挾私參奏當治其罪姑宥之其宴序可視正統年間例行既而變復奏正統間文案不存無從查考乞如今議為宜上亦是之

飭南京官儀

成化十一年南京監察御史楊成奏南京進賀聖節表行禮時適有兩臣見五府及所隸武官大約不過三四

欽定四庫全書

禮部志稿
卷五十九

十八

十人且班行失序跪拜參差及導送輒張雨蓋有策馬前馳及便道先回者益緣雖設官糾儀而無簿籍可稽以至漫視不謹及見母歲正旦冬至等節行大禮大臣僅見遵守其部屬或越於近侍佐貳或先於正官或常服以取自便或歷階互為談譟褻慢不恭難以悉數臣惟南京根本重地其禮文隳廢且如此則外而三司府縣可知矣章下禮部而復奏以為祖宗成法具悉典禮但日夕廢墜誠有如成所言者合勅南京禮部移文府

部諸司凡遇大禮預具各官姓名送掌禮及糾儀官至日通為檢查敢有仍前蹈弊者疏名以聞其在外聽禮生呈舉上司轉為奏聞忠麗於法如此庶禮儀整肅人知遵守從之

賀皇太子設位

嘉靖二十八年禮部奏故事皇太子朝賀設座文華殿中今易用黃瓦則東宮受賀之位似應避尊上曰東宮受賀位當設文華殿之左南向然今侍衛未備已之

欽定四庫全書

禮部志稿
卷五十九

十九

謝恩儀

藩王謝恩

凡王府已受冊封齋捧謝恩表箋到部例該本部引奏進收如遇免朝將前項表箋俱恭送至午門前司禮監官捧進先期本部具題請旨

侯伯謝恩

凡公侯伯及衍聖公襲爵謝恩本部先期題知例該鴻臚寺設案本爵具朝服本部引奏行五拜三叩頭禮如

遇免朝止令本爵先期一日赴鴻臚寺報名次日早具朝服赴午門前照例行禮所進表文仍令本爵親捧至左順門司禮監官捧進

狀元謝恩

凡狀元上表謝恩於三月二十二日本部表具奏本奏目狀元率諸進士赴午門前行禮表文狀元親付司禮監官捧進凡遇出朝備黃綾殼表副表目三本二本送鴻臚寺宣讀一本本部備照如免朝不用

欽定四庫全書

禮部志稿
卷五十九

三

習儀

習儀所

凡正旦冬至聖節百官先期之三日及二日習儀正旦冬至於朝天宮聖節於靈濟宮嘉靖九年更定郊祀冬至習儀於先期之七日及六日二十一年令聖節正旦冬至俱赴朝天宮習儀

翰林院官習儀

成化十四年十一月始令翰林院官習儀先是翰林官

僚自永樂宣德以來相傳免習儀至是錦衣緝事官校奏學士王獻檢討張奏不赴習儀上命鞠問之獻奏舉相傳之例以聞宥之仍詔自今行大禮先期習儀內閣辦事者免其餘俱習儀如常

糾儀

輿馬僭越

弘治八年六月南京監察御史王存忠等奏舊例凡武官雖公侯伯不得乘輜出入以習勞苦今成國公朱儀

欽定四庫全書

禮部志稿
卷五十九

三

魏國公徐輔武靖伯趙承慶南京錦衣衛帶俸指揮使王銳乘輜出入儀備慶俱乘八人輜僭越更甚其各衛指揮而下乘馬又多用紅氍鞍籠馬杌胡床導從亦所當禁下禮部復奏請俱論之以法上皆宥之仍諭不得再犯以朱儀年老任重特命乘四人輜

申飭領勅等議

嘉靖十一年八月先是正月間上體違和數不視朝鴻臚寺因請諸領勅繳勅及辭見人員暫受事左順門蓋

本一時權宜後因循遂為定制部以為非祖制執奏不可得旨免朝領繳勅書諸事非係重大其該照寺題准例行於是尚書夏言言朝廷差官降勅未有不係重大事情者且領勅必於御前所以重大帝命以防詐傳旁出入奸繳勅必於御前所以達下情可以防遲留隱匿之弊至於禮該面辭面見人員即遇免朝豈不能稍待而遽廢上下之禮殆非臣子之心所安以此為非重大則御前奏進之事無復重大者臣愚以此必出一時閤

欽定四庫全書

禮部志稿
卷五十九

三

御殿稱賀侍班

嘉靖十二年先是上以大祀御殿誓戒羣臣中書舍人無侍殿者御史楊行中奏之上怒其怠玩逮掌中書傅榮等四人下詔獄榮等奏辯言故事誓戒無中書侍班下禮部復議言陞殿禮儀翰林院官與中書舍人俱用

四人東西侍班第緣會典開載互有詳畧故於誓戒進歷等禮有翰林無中書榮等沿習舊規罪亦可原今宜著為令凡御殿稱賀諸禮皆中書舍人與翰林諸臣分班對立毋得異同上從其請因貸榮等

糾行禮不到

嘉靖三十一年八月二十四日該鴻臚寺序班曹榮題為糾儀事參南京大理寺卿今陞戶部左侍郎總督倉場督理西苑農事余盾緒謝恩行禮不到事屬違慢節

欽定四庫全書

禮部志稿
卷五十九

三

議糾朝儀班行

隆慶元年都給事中辛自修等以朝儀久曠班行不肅請令禮部官考議成式疏下禮部及禮科會議至是奏言國家初制百官以品序列故令皇極殿前列品山

表識森然其後更定制度又有不拘於品者如內閣官
錦衣衛陞立寶位之東西翰林院學士列僉都御史之
上其他翰林官不論品級叙於京堂之內科道官自為
一前列於部屬之先及鴻臚寺尚寶司列於西階三科
六道與東班對侍雖若次第參差班行混淆然或以顧
問糾察或以奏事承旨莫不有因難以輕改今後常朝
悉如此例其餘官員仍依品級崇卑衙門資序為列如
有紊越聽糾儀官糾舉至於各官被服束帶會典所載
欽定四庫全書

禮部志稿
卷五十九

三四

甚明不得僭用以乖典制從之

欽定四庫全書

禮部志稿卷六十

明 俞汝楫 編

宴饗備考

宴儀

設事饌供事

洪武二年禮部言光祿寺卿職御膳今宰相儒臣侍食
亦卿供之於禮未安宜設直長四員遇百官賜食御前
者則令供事從事
欽定四庫全書

禮部志稿
卷六十

宴官禁限

洪武六年禮部言文武官犯杖罪三次者賜宴不得上
殿及內廷從之

宴夷使班次

洪武二十四年禮部言明年正旦朝賀及筵宴其高麗
國權國事王瑤子與班次宜列於六部尚書之次其從
臣於中左門序坐凡諸蕃國使臣悉以此為序從之

禮部志稿卷五十九

萬壽宴百官定位

永樂元年禮部以萬壽聖節宴百官預定其位次進呈上命駙馬儀賓及隨侍各王來朝官宴於三公府四品以上文武官諸學士及在京僧道官大龍興寺住持侍宴奉天殿在京各衙門堂上六品以上官近侍官修史官宴於中左門在外進表官四夷朝貢土官宴於中右門餘文武官宴於丹墀內

慶成簪花

欽定四庫全書

禮部志稿
卷六十

二

禮部儀制司每年大祀慶成如遇辦事准精膳清吏司手本開具數目脩辦宴花本司行工部都水清吏司如數造辦預先送司分派至期進朝簪戴殿上官東七員西七員俱司廳四司中左門進士八員中右門進士八員丹墀東丹墀下之東稍北進士四員丹墀下之東稍南進士四員丹墀西丹墀下之南進士并副使四員是日俱穿殿上東一班至六班共若干員翠花若干監生儒士辦事當該官吏八名殿上西一班至六班共若干員翠花若干

欽定四庫全書

禮部志稿
卷六十

三

監生儒士辦事官吏七名東西大小花各二箱每箱若干枝在東者置於殿內東第一門之墻下在西者置於殿內西第一門候駕至每人手執十枝以備取用取訖復取以事完為度殿內與宴官承旨官侍班官俱各親簪錦衣衛侍班官分官一員簪帶光祿寺鴻臚寺執事屬官監生送與令其自相簪帶金甲將軍明盛內官送與手接殿外錦衣衛侍班官鴻臚寺傳讚官俱先送羅花若干枝金甲將軍先總付一頭領之教坊司官彼自來領辦事吏一名中左門一班至六班若干員翠花若干監生儒士當該吏五名中右門一班至五班共若干員翠花若干監生儒士當該吏五名每邊花五箱每箱若干枝在東者置於西欄杆下在西者置於東欄杆下候宴桌將齊先催光祿寺擺饌頭照紅帖每饌頭一分插花一枝臨時彼自取帶丹墀東丹墀下之東稍北一班至二班共若干員翠花若干監生儒士當該辦事官五名三班至四班共若干員翠花若干五班至六班共若干員翠花若干